



UNIVERSITÄTS-  
BIBLIOTHEK  
PADERBORN

**Ethica Symbolica E Fabularum Umbris In Veritatis Lucem  
Varia Ervditione Noviter evoluta**

**Pexenfelder, Michael**

**Monachii, 1675**

1. Cvra castitanis.

---

[urn:nbn:de:hbz:466:1-68709](#)

tripudia, ad licentiora virorum ac juvenum consortia. Capere volunt & capi, quo reti? ait idem ibidem: *ornatu meretricio ad capiendas animas.* Poterat Daphnen à consilio virginitatis dimovere parentis auctoritas:

Sæpe pater dixit, debes mihi nata nepotes: Illa tamen casto pudore suffusa mentis altæ propositum paternis hortatibus constanter antehabuit; contrâ quām faciunt illi, illæque, quos ab integritatis proposito vox una gravior patris, aut mollior matris avertit.

Daphne tam erat amans virginalis pudoris, ut antequam eum profanaret, optaverit vel terrâ sorberi ( id quod ob fortitudinem, in Curtio juvene Romano, nunquam satis laudavit antiquitas ) vel quacunque formæ mutatione, formam, quantum seminarum bonum! amittere. Erucebant, quibus dos una nubendi, genarum fucus.

II. (b) Ex Ovidio observa, tria maximè castitatis præsidia fuisse à Daphne adhibita:

*Silvarum latebris, captivarūmque ferarum  
Exuvijs gaudens, innuptæque æmula Phœbes;  
Vitta coërebat positos sine lege capillos.*

Nimirum *Solitudo, labor, simplex mundities* & ornatus, tutam à Paphijs ignibus præstabant. Oculos inter plures custodire difficile est; tunc præsertim, cùm procantium nobilitas, scientia, opes ( Apollinem cogita ) in conspectum veniunt. *Otiosi*, ait S. Hieronymus, de ventre, & ijs, quæ sub ventre sunt, maximè cogitant; *compti* nimis & curiosius ornatî, quasi hamum capiendis animis projiciunt.

III. (c) Daphne pudicitiam suam fugiendo subduxit Apollinis libidini; qua de causa meruit in laurum converti, arborem triumphalem, ac castissimam, quæ nec frigoris, nec ardoris violentiâ se corrumpi patitur, perpetuò virens, semper illibata. Horat. lib. 2. Ode 15.

*Nunc spissa ramis laurea, fervidos  
Excludit æstus.*

Eadem, ne fulmine quidem tangenda; unde Cæsares olim gestare laurum soliti. Symbolum hoc virginitatis est, de qua Ovidius lib. 3. Trist. Eleg. 1.

*Usque viret semper laurus, nec fronde caduca  
Carpitur, æternum sic habet illa decus.*

Et quænam pulchrior victoria ac triumphus, quām qui fugâ tam gloriofa relatus est? De hoc emblema, cum lemmate, *in fuga victoria.* Apostolus, 1. Cor. 6. quod magnus Augustinus observat: *fugite, inquit,*

*A 2 forni.*

(b) *Castitatis præsidia.* (c) *Castitas fugiendo vincit.*

Nec quid Hymen, quid amor, quid sint connubia, curat. Accedebat ad mutandum propositum importunitas patris, ad nuptias non tam invitantis, quam urgentis & trahentis.

Illa velut crimen tædas exosa jugales,  
Pulchra verecundo suffundens ora rubore,  
Inque patris blandis hærens cervice lacertis,  
Da mihi perpetua, genitor charissime, dixit  
Virginitate frui: dedit hoc pater antè Diana.

Acut magis hoc parentis telum, jam dudum alto saucius vulnere Phœbus; qui ut expugnaret obfirmatum animum, cæpit renuenti dinitatis suæ prosapiam ostentare, artem canendi, medendique jactare: blanditas exquisitas & preces addere; sed irritas. Præsidium castitatis in pedibus quæsiyit Daphne; ocyor aurâ per sentes & rubos, per aspera & plana fugam arripuit; quantóque celerius insequebatur fugientem spes procantis, tantò expeditiores alas addebat virginis timor.

----- Sic agna lupum, sic cerva leonem;

Sic aquilam pennâ fugiunt trepidante columbae. Iamque amator premebat pedem fugientis, eratque similis tenenti, cum Daphne victa labore fugæ, coniicit oculos in undas Penei parentis, & exclamans:

Fer pater, inquit, opem, si flumina numen habetis:  
Qua nimium placui, tellus, ait hisce: vel istam,  
Quæ facit, ut lædar, mutando perde figuram.

Nec mora; simul hæc dixit, simul est mutata in arborem laurum:  
Mollia cinguntur tenero præcordia libro,  
In frondem crines, in ramos brachia crescunt,  
Pes modò tam velox pigris radicibus hæret:  
Ora cacumen habent, remanet nitor unus in illa.

### Ethica.

I. (a) Virginalem Daphnæ castimoniæ laudaturus poëta, exagerat eam à primis curis, quas etiamnum tenerior puella habuit de hoc ætatis illius decore servando, ut quæ nesciebat, quid esset Hymen, quid amor, quid connubia. Secus, quam multis in hoc sexu soleat accidere, quæ molibus ab unguiculis instituuntur ad lenocinium voluptatis, vagæ, ut Salomon loquitur, *Prov. 7: quiet impatiens, nec valentes in domo consistere pedibus.* Liberiùs exspiantur ad spectacula, ad convivia, ad

(a) *Cura castitatis in Daphne.*

tripu-

tripudia, ad licentiora virorum ac juvenum consortia. Capere volunt & capi, quo reti? ait idem ibidem: *ornatu meretricio ad capiendas animas.* Poterat Daphnen à consilio virginitatis dimovere parentis auctoritas:

Sæpe pater dixit, debes mihi nata nepotes: Illa tamen casto pudore suffusa mentis altæ propositum paternis hortatibus constanter antehabuit; contrâ quām faciunt illi, illæque, quos ab integritatis proposito vox una gravior patris, aut mollior matris avertit.

Daphne tam erat amans virginalis pudoris, ut antequam eum profanaret, optaverit vel terrâ sorberi ( id quod ob fortitudinem, in Curtio juvene Romano, nunquam satis laudavit antiquitas ) vel quacunque formæ mutatione, formam, quantum seminarum bonum! amittere. Erucebant, quibus dos una nubendi, genarum fucus.

II. (b) Ex Ovidio observa, tria maximè castitatis præsidia fuisse à Daphne adhibita:

*Silvarum latebris, captivarūmque ferarum  
Exuvijs gaudens, innuptæque æmula Phœbes;  
Vitta coërebat positos sine lege capillos.*

Nimirum *Solitudo, labor, simplex mundities* & ornatus, tutam à Paphijs ignibus præstabant. Oculos inter plures custodire difficile est; tunc præsertim, cùm procantium nobilitas, scientia, opes ( Apollinem cogita ) in conspectum veniunt. *Otiosi*, ait S. Hieronymus, de ventre, & ijs, quæ sub ventre sunt, maximè cogitant; *compti* nimis & curiosius ornatî, quasi hamum capiendis animis projiciunt.

III. (c) Daphne pudicitiam suam fugiendo subduxit Apollinis libidini; qua de causa meruit in laurum converti, arborem triumphalem, ac castissimam, quæ nec frigoris, nec ardoris violentiâ se corrumpi patitur, perpetuò virens, semper illibata. Horat. lib. 2. Ode 15.

*Nunc spissa ramis laurea, fervidos  
Excludit æstus.*

Eadem, ne fulmine quidem tangenda; unde Cæsares olim gestare laurum soliti. Symbolum hoc virginitatis est, de qua Ovidius lib. 3. Trist. Eleg. 1.

*Usque viret semper laurus, nec fronde caduca  
Carpitur, æternum sic habet illa decus.*

Et quænam pulchrior victoria ac triumphus, quām qui fugâ tam gloriofa relatus est? De hoc emblema, cum lemmate, *in fuga victoria.* Apostolus, 1. Cor. 6. quod magnus Augustinus observat: *fugite, inquit,*

*A 2 forni.*

(b) *Castitatis præsidia.* (c) *Castitas fugiendo vincit.*